

卷五

喘

微脹水腫

肺痿

肺癰

諸血

噎膈
嘔吐
闕格

泄瀉

卷六

積聚
癥瘕

蟲
狐
惑

諸痛

頭心胃
腰腹

肺氣
轉筋

蘭臺軌範

卷五湯方目

麥冬湯

桂枝加厚朴杏子湯

麻黃杏仁甘草

石膏湯

定喘湯

皺肺丸

清燥救肺湯

以上

喘雞矢醴丸

防已茯苓湯

甘草麻黃湯

麻黃附子湯

桂枝去芍藥加麻黃細辛附子湯

枳木湯

蒲灰散

已椒薑黃圓

牡蠣澤

瀉散

大腹水腫方

麻豆湯

十水丸

舟車神祐方

大聖瀉川丸

木香散

葶藶

九 療水病洪腫氣脹不消食方

療患氣兼水

身向腫垂死方

五香散

五皮散

治蠱脹

方 敷藥

沉香琥珀丸

調榮飲

烏鯉

魚湯

小胃丹

煨腎散

禹餘糧丸

以上臑脹水腫

甘草乾薑湯

桂枝去芍藥加皂莢湯

葶莖湯

桔梗白散

以上肺痿

血枯方

柏葉湯

瀉心湯

滋血潤腸湯

治吐血百治不瘥療十瘥神

驗不傳方

犀角地黄湯

犀角地黄湯

四

生丸

白芨枇杷丸

皮膚血汗方

汗血方

諸竅出血方

療舌上出血如孔鑽者

療

舌血不止

紫霜丸

療齒斷血出

療酒醉

牙齒涌血

雄黃麝香散

治牙縫出血

黃

連散

療滿口齒血出

治牙宣方

療鼻瀝

血三升氣欲絕方

茅花湯

地黃散

療淋

血方

療小便出血方

瞿麥散

神效方

髮灰散

玉屑散

鹿角膠丸

黃土湯

赤小豆當歸散

牛角鰓灰散

猪臟丸

又猪臟丸

以上諸血

茱萸湯

生薑瀉心湯

半夏瀉

心湯

黃芩加半夏生薑湯

猪苓散

大半

湯方

夏湯

大黃甘草湯

茯苓澤瀉湯

文蛤湯

生薑半夏湯

半夏乾薑散

葛根加半夏

湯

橘皮湯

橘皮竹茹湯

黃連湯

昆

布丸

關膈不通方

千金理諸噎方

又方

中風客熱噦方

嘔噦方

消穀丸

卒

噦

廣濟楨榔散

崔氏方

深師治噎方

反胃方

丁香柿蒂湯

治冷呃方

撞氣

阿魏丸

以上噎膈嘔吐

溫脾湯

訶梨勒丸

香茸丸

固腸丸

附子理中丸

以上泄瀉

蘭臺軌範卷五

吳江徐靈胎洄溪著

門人姜桂萼芳校

喘

素問

經脉別論夜行則喘出於腎淫氣病肺有所墮恐喘出於
肝淫氣害脾有所驚恐喘出於肺淫氣傷心度水跌仆喘
出於腎與骨當是之時勇者氣行則已怯者則着而爲病
也 陽明脉解篇陽明厥則喘而惋惋則惡人帝曰或喘
而死或喘而生者何也岐伯曰厥逆連臟則死連經則生

脉要精微論肝脉搏堅而長因血在脇下令人喘逆

逆調論腎者水臟主津液主卧與喘也

此句又為喘之總訣

生氣通

天論因於暑汗煩則喘喝靜則多言

陰陽別論陰爭於

內陽擾於外魄汗未藏四逆而起起則熏肺使人喘鳴

水熱穴論水病者下為胛腫大腹上為喘呼不得卧者標

本俱病故肺為喘呼腎為水腫肺為逆不得卧

金匱

上氣面浮腫肩息其脉浮大不治又加痢尤甚

喘方

麥冬湯 金匱 火逆上氣咽喉不利止逆下氣此主之

麥冬 七升 半夏 一升 人參 甘草 各二兩 粳米 三合 大

棗 十二枚

右六味以水一斗二升煮取六升溫服一升日三夜一

服 此即竹葉石膏湯去竹葉石膏加大棗也專清肺胃之火若火逆甚仍用竹葉石膏為妙

桂枝加厚朴杏子湯 傷寒論 喘家主之

於桂枝湯方內加厚朴 二兩 杏仁 五十個 餘依前法

麻黃杏仁甘草石膏湯 傷寒論 發汗後不可更行桂枝湯汗

出而喘無大熱者此湯主之

麻黃 四兩 去節 杏仁 五十個 去皮尖 甘草 二兩 炙 石膏 半斤 碎 綿裹

右四味以水七升先煮麻黃減二升去上沫內諸藥煮

取二升去滓溫服一升 即越婢湯加杏仁去薑棗

定喘湯 振生方 治肺寒膈熱哮喘

麻黃 款冬花 半夏 桑皮 各三錢 蘓子 二錢

杏仁 一錢 五分 白果 二十一 枚 碎炒 黃芩 甘草 各一錢

右以水煎徐徐服

皺肺丸 治喘

款冬花 知母 秦艽 百部 去心 紫苑

貝母

阿膠

糯米

炒各一兩

杏仁

另研四兩

右為末將羊肺一具先以水灌洗看容得水多少即更添些煮杏仁令沸濾過灌入肺中繫定以糯米泔煮熟研爛成膏搜和前藥末杵數千下丸梧子大每服五十丸食前桑白皮煎湯下

清燥救肺湯

治臍鬱喘嘔

桑葉

三錢經霜者

石膏

二錢半炒

甘草

一錢

胡麻仁

一錢炒研

阿膠

八分

人參

七分

麥冬

一錢二分

杏仁

七分去皮

枇杷葉

一片去毛蜜炙

右丸味以水一碗煎六分頻頻二三次滾熱服

小青龙加石膏湯

越婢加半夏湯

俱見咳嗽

按此二方為喘病之主方其餘眾方意不能外此即有他法必有別因當隨症增減也

麻黃湯

見傷寒

資生腎氣丸

瀉白散

錢乙

黑錫丸

俱見通治

按黑錫丸鎮納元氣為治喘必備之藥當蓄在平時非一時所能驟合也

臑脹水腫

靈素

靈脹論黃帝問曰願聞脹之舍岐伯曰夫脹者皆在於臟

腑之外

四字總括明透

排臑而郭胸脇脹皮膚故命曰脹帝曰

未解其意岐伯曰夫胸腹臑之郭也臑中者心主之宮

城也胃者太倉也咽喉小腸者傳送也胃之五竅者閭里
門戶也廉泉玉英者津液之道也故五臟六腑者各有畔
界其病各有形狀營氣循脉衛氣逆爲脉脹衛氣並脉循
分爲膚脹 水脹篇黃帝問於岐伯曰水與膚脹臑腸
覃石瘕石水何以別之岐伯答曰水始起也目窠上微腫
如新卧起之狀其頸脉動時欬陰股間寒足脛癰腹乃大
其水已成矣以手按其腹隨手而起如裹水之狀此其候
也黃帝曰膚脹何以候之岐伯曰膚脹者寒氣客於皮膚
之間蹙蹙然不堅腹大身盡腫皮厚按其腹窅而不起腹

色不變此其候也。臃脹何如。岐伯曰：腹脹身皆大，大與膚
脹等也。色蒼黃，腹筋起，此其候也。腸覃何如。岐伯曰：寒氣
客於腸外，與衛氣相搏，氣不得榮，因有所繫，癖而內着，惡
氣乃起，瘕肉内生，其始生也大如雞卵，稍以益大，至其成
如懷子之狀，久者離歲。按之則堅，推之則移，月事以時下
此其候也。石瘕何如。岐伯曰：石瘕生於胞中，寒氣客於子
門，子門閉塞，氣不得通，惡血當瀉不瀉，衃則留止，日以益
大，狀如懷子，月事不以時下，皆生於女子，可導而下。陰
陽別論云：陰陽結邪多，陰少，陽曰石水，少腹腫。邪氣臃

腑病形篇督脉微大爲石水起臍已下至小腹睡睡然上

至胃腕死不治水爲有形之物故按之即起膚張爲無形

故月事仍下石瘕乃胞中惡血所凝故月事不行各有定

理也至石水則在少腹之中水結不散之症若臞脹則非

氣非水臞臍皮肉俱堅

腫邪盛正衰難爲治矣

素腹中論黃帝問曰有病心腹滿且食則不暮食此爲何

病岐伯對曰名爲臞脹帝曰治之奈何岐伯曰治之以雞

矢醴一劑知二劑已 水熱穴論黃帝問曰少陰何以主

腎腎何以主水岐伯對曰腎者至陰也至陰者盛水也肺

者太陰也少陰者冬脉也故其本在腎其末在肺皆聚水

卷五

五

也。腎者胃之關也。關門不利，故聚水而從其類也。故凡水病下為跗腫，大腹上為喘呼，不得卧者，標本俱病。氣厥論：肺移寒於腎，為涌水。涌水者，按腹不堅，水氣客於大腸，疾行則鳴濯濯，如囊裹漿，水之病也。陰陽應象大論：濁氣在上，則生臃脹。

金匱

師曰：病有風水，有皮水，有正水，有石水，有黃汗風水。其脉自浮外證，骨節疼痛，惡風，皮水其脉亦浮外證，跗腫按之没指不惡風，其腹如鼓不渴，當發其汗。正水其脉沉遲外

證自喘石水其脉自沉外證腹滿不喘黃汗其脉沉遲身
發熱胸滿四肢頭面腫久不愈必致癰膿脉浮而洪浮
則爲風洪則爲氣風氣相搏風強爲隱疹身體爲痒痒爲
泄風久爲痲癩氣強則爲水難以俛仰風氣相擊身體洪
腫汗出乃愈惡風則虛此爲風水不惡風者小便通利上
焦有寒其口多涎此爲黃汗寸口脉沉滑者中有水氣
面目腫大有熱名曰風水視人之目裹上微擁如蚕新卧
起狀其頸脉動時時咳按其手足上陷而不起者風水
太陽病脉浮而緊法當骨節疼痛反不疼身體反重而酸

其人不渴汗出卽愈此爲風水惡寒者此爲極虛發汗得之渴而不惡寒者此爲皮水身腫而冷狀如周痺胸中窒不能食反聚痛暮躁不得眠此爲黃汗痛在骨節欬而喘不渴者此爲肺脹其狀如腫發汗卽愈然諸病此者渴而下利小便數者皆不可發汗裏水者一身面目黃腫其脉沉小便不利故令病水假如小便自利此亡津液故令渴也越婢加白朮湯主之少陰脉緊而沉緊則爲痛沉則爲水小便卽難脉得諸沉當責有水身體腫重水病脉出者死夫水病人目下右卧蚕面目鮮澤脉伏其人消

渴病水腹大小便不利其脉沉絕者有水可下之。問曰
病下痢後渴飲水小便不利腹滿因腫者何也答曰此法
當病水若小便自利及汗出者自當愈。心水者其身重
而少氣不得卧煩而躁其人陰腫。肝水者其腹大不能
自轉側脇下腹痛時時津液微生小便續通。肺水者其
身腫小便難時時鴨溇。脾水者其腹大四肢苦重津液
不生但苦少氣小便難。腎水者其腹大臍腫腰痛不得
溺陰下濕如牛鼻上汗其足逆冷面反瘦師曰諸有水者
腰以下腫當利小便腰以上腫當發汗乃愈。師曰寸口

脉沉而遲沉則爲水遲則爲寒寒水相搏跌陽脉伏水穀
不化脾氣衰則驚澹胃氣衰則身腫少陽脉卑少陰脉細
男子則小便不利婦人則經水不通經爲血血不利則爲
水。名。血。分。師曰寸口脉遲而濇遲則爲寒濇爲血不足
跌陽脉微而遲微則爲氣遲則爲寒寒氣不足則手足逆
冷手足逆冷則榮衛不利榮衛不利則腹滿脇鳴相逐氣
轉膀胱榮衛俱勞陽氣不通卽身冷陰氣不通卽骨疼陽
前通則惡寒陰前通則痺不仁陰陽相得其氣乃行大氣
一轉其氣乃散實則失氣虛則遺溺名曰氣分。

氣分非水病但此病

無所附因血分而類及之也然金匱云氣分心下
堅大如盤水飲所作則氣分似爲水在氣中之病

病源

水分候 水分者言腎氣虛弱不能制水令水氣分散流
布四肢故云水分但四肢皮膚虛腫聶聶而動者名水分
也

燥水候 燥水謂水氣溢於皮膚因令腫滿以指畫肉上
則隱隱成文字者名曰燥水也

水腫之病千頭萬緒雖在形體而實內連臟腑不但難
愈卽愈最易復病復卽更難再愈所以內經針水病之
定多至百外而調養亦須百日反不若臧脹之症一愈
可以不發治此症者非醫者能審定病症神而明之病

者能隨時省察潛心調攝鮮有獲全者

臃脹水腫方

此卷載水腫之方最備但病情不同各有所宜當細辨之

雞矢醴方

素問

治心腹滿且食不暮食

羯雞矢

八合研炒焦

無灰酒

三碗

右共煎乾至一半許用布濾取汁五更熱飲則腹鳴辰巳時行二三次皆黑水也次日覺足面漸有縐紋又飲一次則漸縐至膝上而病愈矣

防已茯苓湯

金匱

皮水為病四肢腫水氣在皮膚中四肢

聶聶動者主之

防已

黃芪

桂枝

各三兩

甘草

二兩

茯苓

六兩

右五味以水六升煮取二升分温三服

甘草麻黃湯

金匱

裏水主之

甘草

二兩

麻黃

四兩

右二味以水五升先煮麻黃去上沫內甘草煮取三升

温服一升重覆汗出不汗再服慎風寒

麻黃附子湯

金匱

水之為病其脉沉小屬少陰浮者為風

無水虛脹者為氣水發其汗即已脉沉者宜麻黃附子

湯浮者宜杏子湯

金匱注云杏子湯未見恐是麻黃杏仁甘草石膏湯

麻黃 三兩 甘草 二兩 附子 一枚

右三味以水七升先煮麻黃去上沫內諸藥煮取二升

半溫服八分日三服 發汗為治水要訣此乃發腎水之汗也

桂枝去芍藥加麻黃細辛附子湯 金匱 氣分心下堅大如

盤邊如旋杯水飲所作此方主之

桂枝 生薑 各三兩 甘草 二兩 大棗 十二枚 麻黃 細

辛 各二兩 附子 一枚

右七味以水七升先煮麻黃去上沫內諸藥煮取二升

分溫三服當汗出如虫行皮中即愈

枳木湯 金匱

心下堅大如盤邊如旋盤水飲所作此方主

之

枳實 七枚

白朮 二兩

右二味以水五升煮取三升分温三服腹中與即散

蒲灰散 金匱

治小便不利

蒲灰 七分

滑石 三分

右二味杵為散飲服方寸七日三服

已椒薤黃圓 金匱

腹滿口舌乾燥此腸間有水氣此主之

防已

椒目

薤白

熬

大黃

各一兩

右四味末之蜜丸如桐子大先食飲服一九日三服稍

增口中有津液渴者加芒硝半兩此治腸間之水外症不必有水象也

牡蠣澤瀉散傷寒論大病差後從腰以下有水氣者主之

牡蠣熬 澤瀉 栝藋根 蜀漆洗去腥 葶藶熬

商陸根熬 海藻洗去鹹各等分

右七味異搗下篩為散更入臼中治之白飲和服方寸

匕小便利止後服日三

大腹水腫方千金 治氣息不通命在旦夕者

牛黃二分 椒目三分 昆布 海藻 牽牛子

桂心各八分 葶藶六分

右七味為末別搗葶藶如膏合和丸如桐子飲服十九日二稍加小便利為度正觀九年漢陽王患水醫所不治余處此方日夜尿一二斗五六日即瘥

麻豆湯千金翼 治遍身腫小便澀者

麻黃二升 熬研 烏豆一斗以水四斗 煮取汁一斗 桑根白皮切五升

右三味以豆汁內藥煮取六升一服一升日二服三日

令盡豆不多不能取效

十水丸千金翼

第一之水先從面目腫遍一身名曰青水其根在肝大
戟主之

第二之水先從心腫名曰赤水其根在心葶藶主之

第三之水先從腹腫名曰黃水其根在脾甘遂主之
第四之水先從脚腫上氣而欬名曰白水其根在肺藁
本主之

第五之水先從足趺腫名曰黑水其根在腎連翹主之
第六之水先從面至足腫名曰元水其根在胆芫花主
之

第七之水先從四肢起腹滿大身盡腫名曰風水其根在胃澤漆主之

第八之水先四肢小腫其腹獨大名曰石水其根在膀胱桑根白皮主之

第九之水先從小腸滿名曰暴水其根在小腸巴豆主之

第十之水乍盛乍虛乍來乍去名曰氣水其根在大腸赤小豆主之

右十病藥皆等分與病狀同者則倍之白蜜和先食服

一九如小豆日三欲下病者服三丸弱者當以意節之

十水之各病源亦詳載其狀今立此十方想當時本有此分別也姑存之

舟車神祐方

河間

治水腫水脹形氣俱實者

黑牽牛

四兩

大黃

二兩酒浸

甘遂

一兩麩裹煨

橘紅

大戟

麩裹

煨

芫花

醋炒

青皮

炒各一兩

木香

五錢

檳榔

五錢

輕粉

一錢

右爲末水丸每服五分五更滾水下大便利三次爲度

若一二次不通利次日漸加至一錢若服後大便利四

五次或形氣不支則減其服三分二分俱可或隔一二

三日服一次以愈爲度甚者忌鹽醬百日

大聖濟川丸 類方

大黃

牽牛

郁李仁

各一兩

木香

芒硝

各三錢

甘遂

半錢

右為末蜜丸桐子大諒人虛實服之

此下水峻劑

本香散

類方

治單腹脹

木香

青皮

白朮

薑黃

再飲豆蔻

各半兩

阿

魏

華澄茄

各一兩

右為末醋丸如豆大每服二十九薑湯送下

葶藶丸

外臺

治水腫及脚并虛腫

葶藶子 半兩 牽牛子 半兩生 熟各半 澤漆葉 海藻 洗去 鹽炙 昆

布 如上 炙 桑根白皮 炙 甘遂 熬 椒目 郁李仁 各 三

分 桂心 一分

右為末蜜丸桐子大一服十五丸日再加至二十九

療水病洪腫氣脹不消食方 外臺

香薷內釜中以水淹之出香薷上數寸煮濃汁去滓煎

令可丸桐子大服五丸日三小便多為度 又一 九法

療患氣兼水身面腫垂死方 外臺

桑白皮 茯苓 郁李仁 各四 兩 橘皮 二兩 海藻 三 兩

洗赤小豆一升

右六味以水八升煮二升半分三服

五香散

局方

升降諸氣宣利三焦疏導壅滯發散邪熱治

陰陽之氣鬱結不消諸熱蘊毒腫痛結核中脘不快心

腹脹滿

木香

丁香

沉香

乳香

藿香

等分

右為粗末每服三錢水一盞半煎八分去滓食後溫服

此方治氣分亦宜

五皮散

局方

治風濕客於脾經氣血凝滯以致面目虛浮

四肢腫滿心腹膨脹上氣促急兼治皮水姪娠胎水

五加皮

地骨皮

生薑皮

大腹皮

茯苓

苓等分

右五味每三錢水煎熱服一方加白朮磨沉香木香

治蠱脹方

雜抄方

大麥粉

五錢

敷藥

類方

治腹滿堅硬如石陰囊腫大先用甘草嚼後用

此

大戟

甘遂

海藻

各等分

右為末用醋調麪和覆貼腫處仍以軟綿裹住

沉香琥珀丸 治水腫一切急難症小便不通

琥珀

杏仁

紫蘓

赤茯苓

澤瀉

各五錢

葶藶

郁李仁

去皮

沉香

各一兩半

陳皮

防己

各七錢半

右為末蜜丸如梧子大以麝香為衣每服二十五丸加至五十九空心人參湯送下量虛實加減之

調榮飲

治瘀血流滯血化為水四肢浮腫皮血赤紋

名血分

蓬朮

川芎

當歸

元胡索

檳榔

陳皮 赤芍 桑皮炒 大腹皮 赤茯苓

葶藶 瞿麥各一錢 大黃一錢五分 細辛 官桂

甘草炙各五分

右以薑棗水煎服血分之病金匱有病無方此為至當

烏鯉魚湯類方 治水氣四肢浮腫治法每服二十五丸

烏鯉魚 赤小豆 桑皮 刺白朮 陳皮各三錢

葱白五根

右以水三碗同煮不可入鹽先吃魚後服藥不拘時

小胃丹丹溪

芫花

醋炒過一宿瓦器內不住手攪炒令黑不可焦一兩半

甘遂

麩裹長流水浸半月煮晒乾一

兩半 大黃

紙裹煨勿令焦焙乾切以酒浸炒熟焙乾一兩半

大戟

長流水煮一時再用水洗晒乾

五錢 黃柏

炒三兩

右為末以白朮膏丸如蘿蔔子大臨卧津液吞下或白

湯下取膈上濕痰熱積以意消息之欲痢空心服 一

方加木香枳榔各半兩

此即十棗湯加大黃黃柏

煨腎散

治腎家水腫

甘遂

三錢

獐猪腰子

一個

右細批破少鹽椒淹透摻藥末上荷葉包裹煨燒熟温

酒嚼服之

禹餘糧丸 治十種水氣脚膝腫上氣喘滿小便不利

但是水氣悉皆治之許學士及丹溪皆云此治膨脹之

要藥 卽針砂丸又各蛇含石丸

蛇含石 大者三兩以新鍊銚盛入炭火中燒石與銚子一般紅用鉗取蛇黃傾入醋中候冷研極細末

聽禹餘糧 三兩 真針砂 五兩以水淘淨炒乾入餘糧一處用米醋二升就銚內煮醋乾

爲度後用銚并藥入炭火中燒紅以三物爲主其次量鉗出傾藥淨磚地上候冷研細

人虛實入下項 治水多是取轉惟此三物既非大戟甘遂芫花之比又有下項藥扶持故虛人

老人亦可用 羌活 木香 茯苓 川芎 牛膝

桂心 白豆蔻 大茴香 蓬朮 附

子 乾薑 青皮 三稜 白蒺藜 當

歸各半兩酒
浸一宿

右為末入前藥拌勻以湯浸蒸餅振去水和藥再杵為

丸梧子大食前温酒白湯任下三十九至五十九最忌

鹽一毫不可入口否則發疾愈甚但試服藥即於小便

內旋去不動臟腑病日三服兼以温和調補氣血藥助

之真神方也 此方兼治有形之積塊

越婢湯 金匱 越婢加朮湯 方見風門 五苓散 見通治 甘草乾薑茯苓

門 苓白朮湯

金匱即腎着湯見腰痛

十棗湯 見痰飲

防己黃芪湯

金匱見濕

肺痿 附肺癰

金匱

問曰熱在上焦者因欬為肺痿肺癰之病從何得之師曰或從汗出或從嘔吐或從消渴小便利數或從便難又被快藥下痢重亡津液故得之曰寸口脈數其人嗽口中反有濁唾涎沫者何師曰為肺痿之病若口中辟辟燥欬即胸中隱隱痛脈反滑數此為肺癰欬唾膿血脈數虛者為

肺痿數實者爲肺癰 問曰病欬逆脉之何以知此爲肺

癰當有膿血吐之則死其脉何類師曰寸口脉微而數微

則爲風數則爲熱微則汗出數則惡寒風中於衛呼氣不

入熱過於榮吸而不出風傷皮毛熱傷血脉風舍於肺其

人則欬口乾喘滿咽燥不渴多唾濁沫時時振寒熱之所

過血爲之凝滯畜結癰膿吐如米粥始萌可救膿成則死

肺癰之疾膿成亦有愈者全在
用藥變化漢時治法或未全耳上氣面浮腫肩息其脉浮

大不治又加痢尤甚 上氣喘而躁者屬肺脹欲作風水

發汗則愈

肺痿方

甘草乾薑湯 金匱 肺痿吐涎沫而不欬者其人_{不渴}必遺

尿小便數所以然者以上虛不能制下故也此為肺中

冷必眩多涎唾甘草乾薑湯以溫之若服湯已渴者屬

消渴

甘草 四兩 乾薑 二兩
炙 泡

右二味以水三升煮取一升五合去滓分溫再服 此乃治肺

冷之方非肺痿通用之方也不得誤用

桂枝去芍藥加皂莢湯 千金 治肺痿吐涎沫

桂枝

生薑 各三兩

甘草 二兩

棗 十五枚

皂莢 一枚去皮子炙焦

右五味以水七升煮取三升分三服

肺症生薑不可輕用

韋莖湯 千金

治欬有微熱煩滿胸中甲錯是為肺癰

韋莖 二升

薏苡仁 半升

桃仁 五十枚

瓜瓣 半升

右四味以水一斗煮韋莖得五升去滓內諸藥煮取二

升服一升再服當吐如膿

此方最穩

桔梗白散

外臺

治欬而胸滿振寒脉數咽乾不渴時出濁

唾腥臭久久吐膿如米粥者為肺癰

桔梗

貝母 各三分

巴豆 一分去皮熬令如脂

右三味為散強人飲服半錢七羸者減之病在上膈者

吐膿血膈下者瀉出若下多不止飲冷水一杯則定

肺痿全屬內症肺癰乃係外科輕者煎藥可愈重者膿血已聚必得清火消毒提膿保肺等藥方能挽回否則

不治所以金匱云始萌可救膿成則死也

甘草湯

治肺痿見傷寒

炙甘草湯

見通治

葶藶大棗瀉肺湯

方見

十

味丸

方見咳嗽

諸血

靈素

靈玉版篇嘔血胸滿引背脉小而疾是逆也衄而不止

脉大是逆也。熱病篇欬而衄汗不出出不至足者死。

血枯。素腹中論帝曰有病胸脇支滿者妨於食病至則先聞腥臊臭出清液先吐血四肢清目眩時時前後血病名爲何何以得之岐伯曰病名血枯此得之年少時有所大脫血若醉入房中氣竭肝傷故月事少不來也。

溺血。素氣厥論胞移熱於膀胱則癢溺血。痿論悲哀大甚則胞絡絕胞絡絕則陽氣內動發則心下崩數溲血。

金匱

夫吐血欬逆上氣其脉數而有熱不得卧者死。夫酒客。

欬者必至吐血。此因極飲過度所致也。師曰尺脉浮目

睛。暈黃。衄未止。暈黃去。目睛慧。了知衄。今止。又曰。從春至

夏。衄者。太陽從秋至冬。衄者。陽明。衄家不可汗。汗出必

額上陷。脉緊急。直視不能。眴不得眠。病人面無血色。無

寒熱。脉沉弦者。衄。浮弱者。下血。煩欬者。必吐血。

亡血不可發其表。汗出卽寒慄而振。

瘀血 病人胸滿唇痿舌青口燥但欲漱水不欲咽無寒

熱脉微大來遲腹不滿其人言我滿爲有瘀血 病者如

熱狀煩滿口乾燥而渴其脉反無熱此爲陰伏是瘀血也

當下之

病源

吐血有三種一曰內衄二曰肺疽三曰傷胃內衄者出血

如鼻衄但不從鼻孔出是近心肺間津出還流入胃內出

如豆汁或如衄血凝停胃裏因卽滿悶便吐或去數升乃

至一斛是也肺疽者言飲酒之後毒滿便吐吐已後有一

合二合或半升一升是也傷胃者是飲食大飽之後胃內

冷不能消化則便煩悶強嘔吐之所食之物與氣共上衝

蹙因傷損胃口便吐血色鮮正赤是也

此三種皆是吐血與咳血迥別凡

吐血之後體恒惓惓然心裏煩躁悶亂紛紛顛倒不安寸口脉微而弱血氣俱虛則吐血關上脉微而芤亦吐血脉細沉者生喘欬上氣浮大者死久不瘥面色黃黑無復血

氣時寒時熱此三者乃吐血症若嗽血屬肺又是一症多難治

舌血 心臟有熱則舌上出血

九竅出血 榮衛大虛腑臟傷損血脉流散脉數不得卧

者死

汗血 肝藏血心之液為汗肝心俱傷於邪則汗血

外臺

便血 先血後便為遠血先便後血為近血

諸血方

血枯方

素問

以四烏鰂骨一蘆茹二物并合之丸以雀卵大如小豆

以五丸為後飯飲以鮑魚汁利腸中及傷肝也

後飯先藥後飯

也烏鰂即烏賊治女子赤白漏下令人有子蘆茹即茜草能益精通經雀卵即麻雀卵補精血治陰痿鮑魚即淡乾魚石首為勝能通血脉益陰氣

柏葉湯

金匱

治吐血不止

柏葉

乾薑

各三兩

艾

三把

右三味以水五升取馬通汁一升合煮取一升分温再

服

瀉心湯

金匱

治心氣不足吐血衄血此湯主之

大黃二兩

黃連

黃芩

各一兩

右三味以水三升煮取一升頓服之

滋血潤腸湯

統旨

治血枯及死血在膈飲食不下大便燥

當歸三錢

白芍

煨

生地

各一錢半

紅花

桃仁

炒

大

黃

酒煨

枳殼

各一錢

韭汁

酒半盞

右八味以水一鐘半煎七分食前服

治吐血百治不瘥療十十差神驗不傳方 千金

地黃汁 半升 大黃生末 一方

右二味煎地黃汁三沸內大黃末調和空腹服之日三

卽差 用大黃極少不過引生地達耳

犀角地黃湯 千金 治傷寒及温病應發汗而不汗之內蓄

血者及鼻衄吐血不盡內餘瘀血大便黑面黃消瘀血

犀角 一兩 生地黃 八兩 芍藥 三兩 丹皮 二兩

右四味咬咀以水九升煮取三升分三服喜妄如狂者

加大黃二兩黃芩三兩其人脉大來遲腹不滿自言滿

者為無熱但依方二味不必加

犀角地黄湯

主脉浮客脉芤相合血積胸中熱之甚

血在上焦此湯主之

犀角

大黃各一錢

黃芩三錢

黃連二錢

生地四錢

右五味水煎食後服

四生丸

類方

治吐血衄血血熱妄行

生荷葉

生艾葉

側柏葉

生地

等分

右搗爛丸如雞子大每服一丸水煎去滓服

以丸煎湯亦一法

白芨枇杷丸

戴氏

治咯血

白芨 一兩

枇杷葉 去毛

蜜炙

藕節 各五錢

右為細末另以阿膠五錢蛤粉炒用生地汁調之火上

頓化入前藥為丸如龍眼大每服一丸

此治肺血之方
枇杷藕節只

宜作湯為丸非法

皮膚血汗方

聖濟

郁李仁

去皮研一錢

以鶯梨搗汁調下

汗血方

經驗方

用人中白新瓦焙乾入麝香少許温酒調服立效

諸竅出血方

聖惠方

頭髮

敗稷

陳蓮蓬

並燒灰
等分

右三味每服三錢木香湯下

療舌上出血如孔鑽者

千金

煎香薷飲汁服

療舌血不止

千金

用槐花炒為末摻上

蒲黃炭
亦可摻

紫霜丸
治舌上出血竅如針孔

紫金砂

即露蜂房頂上
實處研一兩

蘆薈

三錢

貝母

四錢

右為細末蜜丸櫻桃大每服一丸煎化服吐血衄血用

温酒化服

療齒斷血出

外臺

竹茹四兩醋浸一宿舍之

療酒醉牙齒涌血

外臺

燒釘赤炷血孔中即止

此烙法也

雄黃麝香散

治牙斷腫爛出血

雄黃

血竭

白礬

枯各一錢半

麝香

一字

銅綠

輕粉

黃連

黃丹

炒各一錢

右共為末研勻敷患處

治牙縫出血 類方

以紙維子蘸乾蟾酥少許於血處按之立止

黃連散 治齒縫間出血吃食不得

黃連 白龍骨 牙硝 各一兩 白礬 一分 龍腦 一錢

右爲細末每用少許敷牙根上

療滿口齒血出

枸杞子爲末煎湯漱之然後吞下立止根亦可 一方
用子汁含滿口更後吃

治牙宣方

用棉花核煨灰擦

療鼻瀝血三升氣欲絕方 千金

龍骨末一棗核許微以氣吹入鼻中即斷更出者更吹

之

茅花湯

活人書

治鼻衄

茅花每服三錢煎服不拘時

地黃散

元戎

治鼻衄久不愈

生地

熟地

地骨皮

枸杞子

右等分焙乾為末蜜湯調下

療淋血方 外臺

苧麻根十枚水五升煮取二升服神驗

療小便出血方 外臺

龍骨末二方寸匕酒一升服之日三

瞿麥散 奇效 治血淋尿血

瞿麥穗 赤芍 車前子 白茅根 赤茯苓

苓 桑白皮 石韋 去毛 生乾地黃 阿膠 炒

滑石 黃芩 甘草 炙各二錢

右為細末每服二錢入血餘燒灰二錢調服

神效方

治血淋

海螵蛸

生乾地黄

赤茯苓

等分

右為細末每服一錢用柏葉車前子煎湯下

髮灰散

治血淋小便出血如尿

用亂髮燒灰入麝香少許每服一錢用米醋溫湯調下

玉屑散

治尿血并五淋砂石疼痛不可忍受者

黃芪

人參

等分

右為末用蘿蔔大者切一指厚三指大四五片蜜奄少

時蘸蜜炙乾復蘸復炙盡蜜二兩為度勿令焦至熟蘸

黃芪人參末吃不以時仍以鹽湯送下製法奇

鹿角膠丸濟生治房勞傷小便尿血

鹿角膠半兩沒藥另研油頭髮繩各三錢

右為末茅根汁打麪糊丸桐子大每服五十丸鹽湯下

黃土湯金匱治下血先便後血此遠血也

甘草 乾地黄 白朮 附子泡 阿膠

黃芩各三兩灶中黃土半斤

右七味以水八升煮取三升分溫三服

赤小當歸散金匱治下血先血後便此近血也

赤豆

三升浸令牙出晒乾 當歸 三兩

右二味杵散漿水服方寸七日三服

牛角鯁灰散

外臺

治卒下血

黃牛角鯁一具燒赤色為細末煮豉汁和二錢服重者

日三

猪藏丸

治大人小兒大便下血日久多食易飢腹不

痛裏不急

先用海螵蛸炙黃去皮白者為末木賊草煎湯調下三

日後效後用黃連二兩嫩猪臟二尺去肥

右以黃連塞滿猪臟紫兩頭煮十分爛研細添糕糊丸

梧子大每服三五十九食前米飲送下此方治婦人血崩亦良

又猪臟丸 治痔漏下血

猪臟一條洗淨捏乾槐花炒為末填入臟內兩頭扎定石器內米醋煮爛

右搗和丸如梧子大每服五十九食前當歸湯下

抵當湯 抵當丸俱治瘀血桃核承氣湯治熱結膀胱小腸急結者以上三方

俱見傷寒大黃廬垂丸 百花煎 人參蛤蚧散以上三方俱見

虛勞瓊玉膏 龍腦雞蘓丸 千金地黃湯 治亡

血脫血鼻唇色白無力者方以上四方俱見通治

噎膈嘔吐

附關格

靈素

靈結根篇太陰為開厥陰為闔少陰為樞故開折則倉廩無所輸膈洞膈洞者取之太陰視有餘不足

上膈篇黃

帝曰氣為上膈者食飲入而還出余已知之矣蠱為下膈

下膈名蠱似屬虫為患當以治虫之法治之

下膈者食晬時乃出余未得其意

願卒聞之岐伯曰喜怒不適食飲不節寒溫不時則寒汁流於腸中流於腸中則虫寒虫寒則積聚守於下管則腸胃充郭衛氣不營邪氣居之人食則虫上食則下

管虛下管虛則邪氣勝之積聚已留留則癰成癰成則下
管約其癰在管內者卽而痛深其癰在外者則癰外而痛
浮癰。上。皮。熱。五味篇苦走骨多食之令人變嘔苦入於
胃五穀之氣皆不能勝苦苦入下脘三焦之道皆閉而不
通故變嘔 四時氣篇善嘔嘔有苦長太息心中憺憺恐
人將捕之邪在胆逆在胃胆液泄則口苦胃氣逆則嘔苦
故曰嘔 經脈篇足太陰病舌本強食則嘔胃脘痛腹脹
善噫足厥陰所生病者胸滿嘔逆

素陰陽別論一陽發病少氣善欬善泄其傳爲膈 三陽

結調之膈 至真要大論諸嘔吐皆屬於熱

關格 六節臟象論人迎一盛病在少陽二盛病在太陽
三盛病在陽明四盛以上為格陽寸口一盛病在厥陰二
盛病在少陰三盛病在太陰四盛以上為格陰人迎與寸
口俱盛四格以上為關格關格之脈羸不能極於天地之
精氣則死矣此指關格之脈非病名也

金匱

嘔家有癰膿不可治嘔膿盡自愈 先嘔却渴者此為欲
解先渴却嘔者為水停心下此屬飲家嘔家本渴今反不

渴者以心下有支飲故也 問曰病人脉數數爲熱當消

穀引食而反嘔者何也師曰以發其汗令陽微膈氣虛脉

乃數數爲客熱不能消穀胃中虛故也 跌陽脉浮而濇

浮則爲虛虛則傷脾脾傷則不磨朝食暮吐暮食朝吐宿

穀不化名曰胃反脉緊而濇其病難治 病人欲吐者不

可下之 嘔而脉弱小便復利身有微熱見厥者難治

傷寒論

脉上微頭小者則汗出下微本大者則爲關格不通不得

尿頭無汗可治有汗者死 寸口脉浮而大浮則虛大爲

實在尺爲關在寸爲格關則不得小便格則吐逆 跌陽

脈伏而濇伏則吐逆水穀不化濇則食不得入名曰關格

此乃關格之病

按關格之症內經傷寒論所指不同內經所云是不治之症傷寒論所云則卒暴之疾當於通便止嘔方法隨宜施治可也

千金

走哺 下焦熱氣逆不續嘔吐不禁

外臺

五噎 夫五噎謂一日氣噎二日憂噎三日食噎四日勞

噎。五日思噎。雖有五名。皆由陰陽不和。三焦隔絕。津液不行。憂恚嗔怒所生。謂之五噎。噎者。噎塞不通也。

氣噎。陰陽不和。寒氣填於胸膈。故氣噎不通。令人喘悸。胸背痛也。

卒食噎。由臟冷而不理。津液少而不能傳行。飲食也。

噎膈嘔吐方

茱萸湯。金匱。嘔而胸滿者。此湯主之。乾嘔吐涎沫。頭痛。

此亦主之

茱萸 一升
人參 三兩
生薑 六兩
大棗 十二枚

右四味以水五升煮取三升温服七合日三服

生薑瀉心湯傷寒論治胃中不和心下痞鞭乾噫食臭脇下

有水氣腹中雷鳴下痢

生薑四兩甘草炙人參黃芩各三兩半夏乾

薑各一兩大棗十二枚

右七味以水一斗煮取六升去渣煎取三升温服一升

日三服生薑乾薑同用取辛以開之

半夏瀉心湯金匱嘔而腸鳴心下痞者此湯主之

半夏半斤黃芩乾薑人參各三兩黃連一兩大

棗十二枚 甘草三兩

右七味以水一斗煮取六升去滓再煎取三升温服一

升日三服

黄芩加半夏生薑湯金匱 乾嘔而痢者此湯主之

黄芩三兩 甘草炙 芍藥各二兩 半夏半斤 生薑三兩 大

棗十二枚

右六味以水一斗煮取三升去渣温服一升日再夜一

猪苓散金匱 嘔吐而病在膈上後思水者解急與之思水

者此湯主之

猪苓

茯苓

白朮

各等分

右三味杵為散飲服方寸七日三服

傷飲惡飲此乃常理若胸中有水則

津液下流反口乾思水但不能多飲耳

大半夏湯

金匱

反胃嘔吐者此湯主之

半夏

三升洗完用

人參

三兩

白蜜

一升

右三味以水一斗二升和蜜揚之二百四十遍煮藥取

二升半溫服一升餘分再服

其妙在用甘爛水

大黃甘草湯

金匱

食已即吐者此湯主之

大黃

四兩

甘草

一兩

右二味以水三升煮取一升分温再服此治上焦之吐

茯苓澤瀉湯金匱 胃反吐而渴欲飲水者此湯主之

茯苓 半斤 澤瀉 四兩 甘草 三兩 桂枝 二兩 白朮 三兩 生

薑 四兩

右六味以水一斗煮取三升內澤瀉再煮取二升半温

服八合日三服 此治蓄飲之吐內澤瀉再煮似先煮五味後煮澤瀉

文蛤湯金匱 吐後渴飲得水而貪飲者此湯主之兼主微

風脉緊頭痛

文蛤 五兩 麻黃 甘草 生薑 各三兩 石膏 五兩 杏

仁五十大棗十二

右七味以水六升煮取二升温服一升汗出愈文蛤亦入煎劑

生薑半夏湯金匱病人胸中似喘不喘似嘔不嘔似噦不

噦心中憤憤然無奈者此湯主之

半夏半斤生薑汁一斤

右二味以水七升煮取二升內生薑汁煮取一升半小

冷分四服日三夜一服止停後服此治寒飲之症內汁再煮似先煮半夏

半夏乾薑散金匱乾嘔吐逆吐涎沫此主之

半夏各等分乾薑各等分

右二味杵為散取方寸七漿水一升半煎取七合頓服

之此治胃寒之吐

葛根加半夏湯傷寒論太陽陽明合病不下痢但嘔者主之

葛根四兩麻黃三兩去節湯泡生薑三兩甘草二兩炙芍

藥二兩桂枝二兩去皮大棗十二枚半夏半斤泡

右八味以水一斗先煮葛根麻黃減二升去白沫內諸

藥煮取三升去渣溫服一升覆取微似汗

橘皮湯金匱乾嘔噦若手足厥者此湯主之

橘皮四兩生薑半斤

右二味以水七升煮取三升温服一升下咽即愈此治胃氣

不通之吐

橘皮竹茹湯 金匱 噦逆者此湯主之

橘皮 二升 竹茹 二升 大棗 三十枚 生薑 半斤 甘草 五兩 人

參 一兩

右六味以水一斗煮取三升温服一升日三服

黃連湯 傷寒論 傷寒胸中有熱胃中有邪氣腹中痛欲嘔吐

者主之

黃連 甘草 炙 乾薑 桂枝 去皮各三兩 人參 二兩

半夏 半斤 大棗 十二枚

右七味以水一斗煮取六升去渣温服一升日三夜一

服 邪氣寒氣也故寒熱並用

昆布丸 治五噎咽塞食飲不下

昆布 洗 麥冬 天冬 訶梨勒 木通

大黃 朴硝 各一兩五錢 郁李仁 桂心 百合 各一

兩 羚羊角 杏仁 蘓子 射干 各半兩 柴胡

陳皮 枳榔 各二錢五分

右藥蜜丸桐子大熱酒下每服三十九不拘時

關格不通方 千金翼

芒硝

芍藥

杏仁

各四兩

枳實

一兩

大黃

半斤

地

黃 二兩

右藥以水七升煮取三升分三服

千金理諸噎方

常食乾粳米飯即不噎

又方 奇方

炭末細羅丸如彈子大含少許細細咽津即下

中風客熱噎方 千金翼

通靈丸 噎膈

竹茹 四兩
生米 五合

右二味以水六升煮米熟服之

嘔噦方 千金翼

蘆根 五兩
以水五升煮取三升分三服兼服小兒尿一

二合良

消穀丸 千金翼
主數年不能飲食

小麥麩

七月七日麴 各一升
乾薑

烏梅 各四兩

右四味搗篩為末煉蜜丸如桐子大空腹酒服十五丸

日再稍加至三十九其寒在胸中及反胃番心皆差

卒噓千金翼

男噓女人丁壯氣盛者噓其肺俞女子男子噓之

廣濟栳榔散外臺療吐酸水每食則變作醋水吐出

栳榔十六分人參六分茯苓八分橘皮六分葶撥六分

右五味搗篩為散平晨空腹生薑五六兩合皮搗絞取

汁溫內散方寸匕攪調頓服之日一服漸加至一七半

純薑汁服末藥斷難入口祇宜取薑汁一滴拌藥別飲送下為妥

崔氏方外臺療食則吐或朝食夜吐名曰胃反或氣噎不

飲食數年羸削唯飲水亦同此方

半夏 六兩 人參 六兩 生薑 一兩 橘皮 二兩 牛涎 一升 春

杵頭糠 一升 厚朴 二兩 羚羊角 三兩

右以水八升煮取三升分温三服頻服

深師治噎方 外臺

羚羊角 前胡 平貝 甘草 人參 橘皮 各二兩

右五味以水六升煮取三升分四服

反胃方 本事方

驢水 即驢小便 日服二合後食微吐一半晡時又服二合人

定時食粥吐出便定

丁香柿蒂湯 嚴氏 治寒呃。

丁香 柿蒂 各二錢 人參 一錢 生薑 五片 煎服

治冷呃方

刀頭子 炙存性 酒服錢許

撞氣阿魏丸 局方 治五種噎疾九般心痛痞氣塊冷氣

攻刺及脾胃停寒胸滿膨脹嘔吐酸水丈夫小腸氣痛

婦人氣血等疾

茴香 炒香 陳皮 去白 青皮 川芎 丁香皮

蓬莪朮 泡 甘草 泡各一兩 縮砂仁 肉桂 去粗皮各半兩 生薑

四兩鹽 白芷 泡半 胡椒 二錢 阿魏 二錢半 醋浸一宿以麩為丸

右為末用阿魏丸雞頭大每藥丸一斤用硃砂七錢為

衣丈夫氣痛炒鹽湯下一粒至二粒婦人血氣醋湯下

常服一粒爛嚼茶酒任下 此方純用通氣溫熱之藥有火者不宜服

此卷所載方論種種各殊然皆係嘔吐反胃水飲壅積等症非真膈病也膈病乃胃口枯槁之症百無一治論中雖有格脉格症而其形象俱未詳載必臨症多乃能識其真耳

旋復代赭湯 四逆湯 小柴胡湯 以上三方俱見傷寒

小半夏湯 方見痰飲 竹葉石膏湯 加生薑見通治

泄瀉

靈素

靈論疾疹尺篇殮泄脉小者手足寒難已殮泄脉小手足
温泄易已 玉版篇其腹大脹四末清脫形泄甚逆也

諸病暴注下迫皆屬於熱

素陰陽應象大論清氣在下則生殮泄 春傷於風夏生

殮泄 濕勝則濡泄 脉要精微論久風爲殮泄 平人

氣象論泄而脫血難治 玉機真臟論泄而脉大難治

難經

泄凡有五其名不同有胃泄有脾泄有大腸泄有小腸泄

有大瘕泄名曰後重胃泄者飲食不化色黃脾泄者腹脹
滿泄注食即嘔吐逆大腸泄者食已窘迫大便色白腸鳴
切痛小腸泄者溲而便膿血少腹痛大瘕泄者裏急後重
數至圞而不能便莖中痛此五泄之要法也

泄瀉方

溫脾湯

本事方

主治錮冷在腸胃間泄瀉腹痛宜先取去然

後調治不可謂虛以養病也

厚朴

乾薑

甘草

桂心

附子

各二兩

大

黃

四錢

右六味咬咀取一兩水二鍾煎六分頓服不可謂虛以養病此千古

之要訣後人反是

訶梨勒丸濟生

治大腸虛冷泄瀉不止腹脇引痛飲食不

化

訶梨勒麩裹煨

附子泡

肉豆蔻麩裹煨

木香

吳茱萸

炒

龍骨生用

白茯苓

萹撥等分

右爲末生薑汁煮麩糊丸如梧子大每服七十九空心

米飲下

香茸丸

治飲酒多遂成酒泄骨立不能食但再飲一

二盞泄作幾年矣

嫩鹿茸

酥炙黃

肉豆蔻

煨各一兩

生麝香

另研一錢

右為末陳米飯為丸如梧子大每服五十九空心米飲

下

固腸丸

得效

治臟腑滑泄晝夜無度

吳茱萸

御粟殼

黃連

各等分

右為末醋糊丸如桐子大每服三十九空心米飲下

附子理中丸

局方

治脾胃冷弱心腹疼痛嘔吐瀉痢霍亂

轉筋體冷微汗手足厥冷心下逆冷滿悶腹中雷鳴飲

食不進及一切沉寒痼冷並皆治之

人參 一兩

附子 泡一枚

乾薑 泡

甘草 炙各一兩

白朮 土炒二兩

右為末蜜丸每藥一兩作十九丸每服一丸以水一盞化

開煎至七分稍熱食前服

四君子湯 局方

六君子湯

歸脾湯

平胃散

補中益氣湯

枳實丸

消痞積止泄瀉

瀉黃散

五苓散

四神丸

霍香正氣散

局方

以上

四逆散

治少陰泄瀉

大承氣湯

小承氣湯

調胃承氣湯

敗毒散

葛根湯

葛根黃芩黃連湯

以上八方俱見傷寒

厚朴七物

湯

方見腹痛門

按泄瀉乃一時寒暖不調水穀不化或冒暑傷濕等症當擇清澹消散之品一二劑即愈今所集方內多脾胃虛寒久病之方隨症酌用可也

蘭臺軌範卷五

終

卷六湯方目

奔豚湯

茯苓桂枝甘草大棗湯

桂枝加桂湯

備急丸

貪食食多不消心腹堅滿痛治之方

蛟龍病方

療犬肉傷

療食鱸傷

療

鱸癥

療蝨癥

療十年疝癖方

椒熨方

破癖湯

備急熨癥方

廣濟療驚痕

廣

濟療米癥

療米癥羸瘦至死

廣濟療髮癥

積塊丸

治食索粉積方

易簡紅丸

大

七氣湯

半硫圓丸

髮癥飲油方

食髮成

瘰癧方

酒驚氣驚血驚方

蛇癩方

蛟龍病

方

蛇瘰

腹內蛇癩方

血瘰方

虱瘰

婦人狐瘰方

以上積聚瘰癧

甘草粉蜜湯

烏梅丸

療蚘虫攻心腹痛

療虫蝕下部

療傷寒慝

病

追虫丸

下虫丸

療寸白虫

又方

療濕慝虫

療蛔虫

療百虫方

鶴虱

散

胡粉丸

甘草瀉心湯

苦參湯

雄

黃

赤小豆當歸散

療心痛欲死

蕪荑

散

以上虫

頭痛方

又方

厥頭痛吐方

石膏

散 透頂散 痛風餅子 止痛太陽丹

氣攻頭痛方 治頭痛方 玉液湯 麝犀湯

秘方貼頭風熱病 清震湯 治頭內如虫

蛀響 玉真圓 茶調散 以上頭痛 栝萸薤白白酒湯

栝萸薤半夏湯 枳實薤桂枝湯 茯苓杏

仁甘草湯 橘皮枳實生薑湯 薏苡仁附子散

桂枝生薑枳實湯 赤石脂丸 九痛丸

大建中湯 療胸脾心痛方 熨背法 療

心痛方 海蛤丸 失笑散 以上心胃痛 甘薑苓朮湯

青娥丸 加味小柴胡湯 摩腰膏 療

腰痛方 中感又方 麋茸丸 藥碁子 以上腰痛 厚朴

七物湯 附子粳米湯 蒸臍法 厚朴三物

湯 大黃附子湯 以上腹痛 礬石湯 第一竹瀝湯

烏麻酒 茱萸木瓜湯 蘓子粥 杉木湯

枳椇散 木瓜散 雞屎白散 療轉筋

方 延效療轉筋 轉經灸法 以上脚氣

(Faint bleed-through text from the reverse side of the page)

蘭臺軌範卷六

吳江徐靈胎洄溪著

孫男

聶我聞校

積聚癥痞

靈素

靈百病始生篇黃帝問於岐伯曰夫百病之始生也皆生於風雨寒暑清濕喜怒不節則傷臟風雨則傷上清濕則傷下三部之氣所傷異類願聞其會岐伯曰三部之氣各不同或起於陰或起於陽請言其方喜怒不節則傷臟傷則病起於陰也清濕襲虛則病起於下風雨襲虛

則病起於上。是謂三部。至於其淫泆不可勝數。黃帝曰

積之始生。至其已成。奈何。岐伯曰。積之始生。得寒。乃生。四字

乃成積之總訣厥乃成積也。黃帝曰。其成積奈何。岐伯曰。厥氣生

足。惋。惋。生。脛。寒。脛。寒。則。血。氣。凝。滯。血。氣。凝。滯。則。寒。氣。上。入

於腸胃。入於腸胃。則臞脹。臞脹。則腸外之汁沫。迫聚不得

散。日以成積。卒然多飲食。則腸滿。起居不節。用力過度。則

絡脉傷。陽絡傷。則血外溢。血外溢。則衄血。陰絡傷。則血內

溢。血乃溢。則後血。衄為陽經之血。宜涼。後血為陰經之血。宜温。腸胃之絡傷。則

血溢於腸外。腸外有寒。汁沫與血相搏。則并合凝聚。不得

散而積成矣

凡積未有不因血而成者

卒然外中於寒若內傷於憂怒

則氣上逆氣上逆則六輸不通溫氣不行凝血蘊裏而不

散津液滯滲着而不去而積皆成矣 六元正紀大論大

積大聚不可犯也衰其大半而止過則死 骨空論任脉

為病男子內結七疝女子帶下瘦聚

息積 素奇病論帝曰病脇下滿氣逆二三歲不已是為

何病岐伯曰病名曰息積此不妨於食不可灸刺積為導

引服藥藥不能獨治也

積最宜外治

伏梁 靈邪氣臟腑病形篇心脉微緩為伏梁在心下上

下行時唾血。素腹中論帝曰人有身體髀股脣皆腫環
臍而痛是為何病岐伯曰病名伏梁此風根也其氣溢於
大腸而着於育育之原在臍下故環臍而痛也不可動之
動之為水瀉瀦之病

難經

病有積有聚何以別之然積者陰氣也聚者陽氣也故陰
沉而伏陽浮而動氣之所積名曰積氣之所聚名曰聚故
積者五臟所生聚者六腑所成也積者陰氣也其始發有
常處其痛不離其部上下有所終始左右有所窮處聚者

陽氣也。其始發無根本上下無所留止其痛無常處故以是別知積聚也。五臟之積各有名乎以何月何日得之。然肝之積名曰肥氣在左脇下如覆杯有頭足心之積名曰伏梁起臍上大如臂上至心下脾之積名曰痞氣在胃脘腹大如盤肺之積名曰息賁在右脇下覆大如杯腎之積名曰贛豚發於少腹上至心下若豚狀或上或下無時

金匱

師曰病有奔豚有吐膿有驚怖有火邪此四部病皆從驚發得之師曰奔豚病從少腹起上衝咽喉發作欲死復還

止皆從驚恐得之。夫瘦人繞臍痛必有風冷穀氣不行

而反下之其氣必衝不衝心下則痞。問曰病有積有聚

有滯氣何謂也師曰積者臍病也終不移聚者腑病也發

作有時展轉痛移為可治滯氣者脇下痛按之則愈復發

為滯氣積聚皆有形滯氣則無形而有氣耳病者腹滿按之不痛為虛痛者

為實可下之舌黃未下者下之黃自去。腹滿時減復如

故此為寒當與溫藥。脉緊如轉索無常者有宿食也

薤不可共牛肉作羹食之成瘕病非亦然。醋合酪食之

令人血瘦

病源

癥瘕。皆由寒溫不調。飲食不化。與臟氣相搏。結所生也。其病不動者。直名爲癥。若病雖有結。瘕而可推移者。名爲瘕。瘕瘕者。假也。謂虛假可動也。

驚癥。謂腹內有癥結。如驚之形狀。有食驚觸冷。不消生癥者。有食諸雜物。得冷不消。變化而作者。

蝨癥。人有多蝨。而性好。嚙之所嚙。旣多。腑臟虛弱。不能消之。變化生癥。患者見蝨。必嚙之。不能禁止時。從下部出。亦能斃人。

米癥 人有好啞米轉久彌嗜啞之若不得米則胸中清
 水出米不消化遂生癥結其人常思米不能飲食久則斃
 腹內有人聲 有人腹內忽有人聲或學人語而相答此
 乃不幸致生灾變非關經絡臟腑冷熱虛實所為也
服雷丸可愈

髮癥 有人因飲食內悞有頭髮隨食成癥胸喉間如有
 虫上下來去者是也

蛟龍病 三月八日蛟龍子生在芹菜上人食芹菜入腹
 變成蛟龍其病之狀發則如癩

魚癥 有人胃氣虛弱者食生魚因爲冷氣所搏不能消之結成魚癥揣之有形狀如魚也

蛇癥 人有食蛇不消因腹内生蛇痕也亦有蛇之精液誤入飲食內食之其狀常若飢而食則不下喉食至胸內卽吐出其病在腹摸揣亦有蛇狀謂蛇痕也

酒痕 人有飲酒多而食穀少積久漸瘦遂常思酒不得則吐多睡不復能食是胃中有虫使之然名爲酒痕也
腹內有毛 人因飲食內誤有毛隨食入腹則漸漸羸瘦但此病不說別有證狀常自言因食毛以知之

積聚癥痞方

奔豚湯金匱 奔豚氣上衝胸腹痛往來寒熱此主之

甘草 川芎 當歸各二兩 半夏四兩 黃芩二兩 生

葛五兩 芍藥二兩 生薑四兩 甘李根白皮一升

右九味以水二斗煮取五升溫服一升日三夜一服

茯苓桂枝甘草大棗湯金匱 發汗後臍下悸者欲作賁豚

此湯主之

桂枝四兩 茯苓半斤 甘草二兩 大棗十五枚

右四味以甘爛水一斗先煮茯苓減二升內諸藥煮取

三升去渣温服一升日三服

桂枝加桂湯

金匱

發汗後燒針令其汗針處被寒核起而

赤者必發賁豚

小腹上至心灸其核上各一壯與

此湯

此灸法不循穴道亦甚易

即桂枝湯加桂二兩

備急丸

金匱

治寒氣冷食稽留胃中心腹滿痛大便不通

大黃

乾薑

各二兩

巴豆

一兩去皮研如脂

右先搗大黃乾薑為末內巴豆合搗千杵和蜜丸如豆

大藏蜜器中勿洩氣候用每服三四丸煖水或酒下

又主中惡心腹脹滿卒痛如錐刺氣急口噤如卒死者

捧頭起灌令下咽須臾當差不差更與三丸當腹中鳴

即吐利便差若口噤者須化從鼻孔用葦管吹入自下

於咽 此温下之法 口噤不能服藥者亦是一法

貪食食多不消心腹堅滿痛治之方 千金

鹽 一升 水 三升

右二味煮令鹽消分三服當吐出食便差

蛟龍病方 金匱 治春秋二時龍精帶入芹菜中人偶食之

為病發時手背腹滿痛不可忍

硬糖二三升 日兩度服之吐出如蜥蜴三五枚差

療犬肉傷金匱 治食犬肉不消心下堅或腹脹口乾大渴

心急發熱妄語如狂或洞下

杏仁一升合皮熟研用 沸湯三升和汁分三服痢下肉片大驗

療食鱠傷金匱 治鱠食之在心胸間不化吐復不出速下

除之久成癥病

橘皮一兩 大黃二兩 朴硝二兩

右三味以水一大升煮至小升頓服即消

療鱠癥金匱 治食鱠多不消結為癥病

馬鞭草搗汁飲之或以薑葉汁飲之一升亦消又可服

藥吐之

療蝨癥

千金

由嚙蝨在腹生長為蝨癥

按此病發服水銀

故篋子

一枚

故梳子

一枚

右二味各破為兩分先取一分燒灰末之又取一分以水五升煮取一升頓服前末盡少時當病出無所忌

療十年痲癬方

千金翼

桃仁

去皮尖雙仁煮熬

豉

乾泡去皮熬搗篩各六升

蜀椒

去目閉口者生搗篩三升

乾薑

搗篩

三升

右四味先搗桃仁如膏合搗千杵如乾可入少蜜和搗
令可丸如酸棗大空腹酒服三九日三仍熨法

椒熨方

千金翼

取新盆一口受一斗者鑽底上作三十餘孔孔上布椒
三合椒上布鹽鹽上安紙兩重上布冷灰一升冷灰上
安熟灰一升熟灰上安熟炭火如雞子大常令盆熟底
安薄氈其口以板蓋上以手捉勿令落仰卧安於腹上
逐病上及痛處自捉遣移熨之冷氣及癥結皆從下部
中作氣出七日一易椒鹽滿三七日百病差乃止

破癰湯 千金翼

白朮 炙 枳實 炙 柴胡 各三兩

右以水五升煮取二升分三服日三

備急熨癰方 千金翼

吳茱萸 三升 以酒和煮熟布裹熨之

廣濟療驚癢 外臺

白馬尿 一升五合 温服之令盡差

廣濟療米癥 外臺 其疾常欲食米若不得米則胸中出清

水

雞屎 一升 白米 五合 搗散用水一升頓服

療米癥羸瘦至死 外臺

葱白 兩虎口切 烏梅 三十枚碎

右二味以水三升宿漬烏梅使得極濃清晨噉葱白隨飲烏梅汁盡頃之心腹煩欲吐即令出之三晨療之當吐出米癥差無所忌

廣濟療髮癥 外臺 人因食誤食髮即胸間如有虫上下惟

欲飲油

油 一升 以香澤煎之大銚鏘貯之安病人頭邊以口鼻

臨油上勿令得飲及傳之鼻面令有香氣當叫喚取飲
不得與之必疲極眠睡其髮當從口出飲油人專守視
之并石灰一裹見癥出以灰粉手捉癥抽出須臾抽盡

即是髮也

奇法

積塊丸 治癥瘕積聚癖塊蠱積

京三稜

莪朮

各用醋煨

自然銅

蛇含石

各燒研各二兩

雄

黃

蜈蚣

各一錢二分焙研

木香

一錢半

鍍花粉

用粳米醋炒一錢

辰

砂

沉香

各八分

冰片

五分

蘆薈

天竺黃

阿

魏

全蝎

焙乾各四錢

右爲末用雄猪胆汁丸如桐子大每服七八分諸症皆效

治食索粉積方

用紫蘓煎濃汁加杏仁泥服之即散

易簡紅丸 破癥消瘕

蓬朮 三稜 橘皮 青皮 胡椒 乾

薑 阿魏 礬紅

右水泛爲丸每服六十九薑湯下又小兒脾胃之症極

有神效

大七氣湯 治一切癥瘕

三稜

莪朮

各煨切

青皮

陳皮

去白

木香

霍

香

肉桂

益智仁

甘草

各七錢五分

右咬咀每服五錢水二盞煎至一盞食前服

半硫圓丸

局方

除積冷温脾胃一切痲痺大便冷閉

硫黃

明淨好者研令極細用柳木錘子研過

半夏

湯洗七次焙乾為末

右等分以生薑自然汁同熬入乾蒸餅末攪和勻入臼內杵數百下圓如桐子大每服空心温酒或生薑湯下十五丸至二十九丸婦人醋湯下

髮癥飲油方

夏子奇疾方

雄黃 半兩

右為末水調服之虫自出

食髮成瘕方

猪脂 二升 酒 三升

右以水煮三沸温服日三

酒驚氣驚血驚方

直指方

治平時嗜酒血入於酒為酒驚任

氣血凝於氣為氣驚虛勞痼冷敗血襍痰為血驚或附

脇背或隱腸腹須急治之

生硫黃末以老酒調下時時服之

此味人多畏之不敢輕服其實性甚和緩

目觀有人服數斤全無
所害惟肌膚色黃而已

蛇癥方 于金翼

白馬尾切細酒服初服五分一七次服三分一七更服
二分一七不可頓服殺人

蛟龍病方

唐明皇雜錄云有黃門奉使交廣回太醫周顧曰此人
腹中有蛟龍上驚問對曰臣馳馬大庾嶺熱困且渴遂
飲澗水竟腹中堅痞如石周遂以石硝雄黃煮服之立
吐一物長數寸大如指視之鱗甲皆具此疾遂愈

蛇瘕

危氏方

治面光發熱如火炙

蒜汁一盃飲之吐出如蛇即愈

腹內蛇瘕方

易簡

誤食菜中蛇精成蛇瘕或食蛇肉成瘕腹中常飢食物

即吐以赤足蜈蚣一條炙研末酒服

血瘕方

甄氏

驚甲

大黃

琥珀

等分

右三味作散酒服二錢少時惡血即下若婦人小腸中

血下盡即休服也

虱瘕 喜食血

用極舊木梳煨灰服

婦人狐瘕方 外臺 因月水來或悲或驚或逢疾風暴雨被

濕致成狐瘕精神恍惚令人月水不通胸脇腰背痛引
陰中小便難嗜食欲吐如有孕狀其瘕手足成形者殺
人未成者可治

用新鼠一枚以新絮裹之黃泥固住入地坑中桑薪燒
其上一日夜取出去絮入桂心末六銖為末酒服方寸
匕不過一二服當自下

瓜蒂散 金匱

大承氣湯

小承氣湯

調胃承氣湯

以上四方俱見傷寒

保和丸 丹溪

枳朮丸 潔古

皂礬平胃散

感

應丸

上四方見通治

阿魏撞氣丸

方見

蛇含石丸

即禹餘糧丸見臑脹

蟲 附狐惑

靈樞

上膈篇重為下膈

其詳備載膈症門

虫痕蛟蛭

厥病篇腸中有虫痕及蛟蛭皆不可取以小

針心腸痛懷作痛腫聚往來上下行痛有休止腹熱喜渴

涎出者是蛟蛭也以手聚按而堅持之無令得移以大針

刺之久持之虫不動乃出針也

金匱

虻虫之爲病令人吐涎心痛發作有時毒藥不止 虻厥者當吐虻令病者靜而復時煩此爲臆寒虻上入膈故煩須臾復止得食而嘔又煩者虻聞食臭出其人當自吐虻狐感之爲病狀如傷寒默默欲眠目不得閉卧起不安蝕於喉爲惑蝕於陰爲狐不欲飲食惡聞食臭其面目乍赤乍黑乍白 此皆傷寒餘毒所結濕熱生虫也

病源

九虫者一曰伏虫長四分二曰虬虫長一尺三曰白虫長一寸四曰肉虫狀如爛杏五曰肺虫狀如蚕六曰胃虫狀如蝦蟆七曰弱虫狀如瓜瓣八曰赤虫狀如生肉九曰蟯虫至細微形如菜虫伏虫羣虫之主也虬虫貫心則殺人白虫相生子孫轉大長至四五尺亦能殺人肉虫令人煩滿肺虫令人咳嗽胃虫令人嘔逆吐喜噦弱虫又名腦虫令人多唾赤虫令人腸鳴蟯虫居胴腸多則爲痔極則爲癩因人瘡處以生諸癰疽癰痿病疥齩虫無所不爲人亦不必盡有有亦不必盡多或偏無者此諸虫依腸胃之間

若腑臟氣實則不爲害若虛則能侵蝕隨其虫之動而能
變成諸患也 凡蠱毒有數種皆是變感之氣人有故造
作之多取虫蛇之類以器皿盛貯任其自相噉擊惟有一
物獨在者卽爲之蠱便能變感隨逐酒食爲人患禍患禍
於他則蠱主吉利所以不羈之徒畜事之

齒慝 是虫食齒至斷膿爛汁臭如屯之收故謂之慝齒

虫方

甘草粉蜜湯

金匱

蚘虫之爲病令人吐涎心痛發作有時

毒藥不止此湯主之

甘草二兩 粉一兩 蜜四兩

右以水三升煮甘草取二升去滓內粉蜜攪令和煎如

薄粥温服一升差即止

烏梅丸 治病者靜而時煩因臟寒虵上入其膈為虵

厥當吐虵

烏梅三百個 黃連一斤 黃檗六兩 乾薑十兩 附子六枚 蜀

椒四兩熬去汗 桂枝六兩 細辛六兩 人參六兩 當歸四兩

右十味異搗篩合治之以苦酒漬烏梅一宿去核蒸之

五升米下飯熟搗成泥和藥令相得內臼中與蜜杵二

千下丸如梧桐子大先食飲服十九日三服稍加至二十丸禁生冷滑物臭食等

療虵虫攻心腹痛

千金

用石榴根搗取汁平旦服亦可水煎

療虫蝕下部

千金

胡粉 雄黃

右二味各等分爲末着穀道中亦治小兒

療傷寒慝病

千金

取生雞子小頭叩出白入漆一合熟和攪令極調當沫

出更內着殼中仰吞之食頃或半日乃吐下虫劇者再服虫盡熱除病愈

追虫丸

八陣

治一切虫積

黑牽牛

取頭末

檳榔

各八兩

雷丸

醋炙

南木香

各二兩為末

茵陳

二兩

大皂角

苦楝皮

各一兩

右煎濃汁水為丸棗豆大大人每服四錢小兒三錢或

二錢或一錢半量人虛實用砂糖水吞下待追去惡毒

虫積二三次方以粥補之

按濃煎汁水為丸原本如此必有誤字竟將水泛丸可也

下虫丸

追虫取積

苦楝皮

根皮為上樹面次之去面上粗皮

右為末麪糊丸彈子大如欲服藥宜戒午飯晡時預食

油煎雞卵餅一二個待上床時白滾湯化下一丸至五

更取下異虫為效

療寸白虫

榧子

檳榔

蕪荳

各等分

為末每二錢温酒調服

先吃燒牛肉脯後服食水瀉永除

又方

榧子

四十九粒去皮

以月上旬平旦空心服七枚日服盡虫消

成水永瘥 又云食實七枚七日滿虫化為水

療濕慝虫

千金翼

此症多是熱病後或久下不止或有客熱

結在腹中或遇暑濕涼氣者多生此病病亦有燥慝不甚洩痢而下部瘡癢不問燥濕久則殺人為病診齒無色舌上盡白甚者滿口有瘡四肢沉重喜眠如此者為虫下食其肛肛爛盡見五臟即死矣

黃連

生薑

切各十兩

艾葉

八兩

苦參

四兩

右四味咬咀以水一斗煮取三升為三服日三

療蛔虫

病由勞熱傷心有虫名蛔虫長一尺貫心則

死

雷丸熬

橘皮

桃仁各五分

狼牙六分

貫衆三枚

蕪

蕘

青箱子

乾漆熬各四分

亂髮如雞子燒

蠶二十枚熬

右十味搗篩蜜丸以飲及酒空腹服二七九日再服

療百虫方

外臺

石榴皮

東引者一握去瘡皮

楨榔七枚

右以水二升煎減半頓服欲服時先嚼鹿脯咽汁即進之每月一二三日吃藥必瘥以虫頭向上月三五以後不效以虫頭向下也服藥前一日莫食其虫吃藥之後

或痢出或內消皆瘥忌食生膾白酒諸冷物一月餘

鶴虱散

外臺

療蛔虫心痛

鶴虱二分末温酢一盞和服之虫當出

胡粉丸

外臺

療心痛不可忍似蛔虫者

生胡麻

一合

胡粉

半合
熬搗

右二味先以猪肉脯一斤空腹啖咽汁勿咽肉後取胡

粉和胡麻搜作丸以少清酒使成頓服盡十歲以上增

減忌生冷猪血魚雞蒜醋等七日若是蛔虫吐水者是

也

甘草瀉心湯

金匱

治狐惑之為病狀如傷寒默默欲眠目

不閉卧起不安蝕於喉為惑蝕於陰為狐不欲飲食惡

聞食臭其面目乍赤乍黑乍白蝕於上部則聲喑此湯

主之蝕於下部則咽乾苦參湯洗之蝕於肛者雄黃薰

之

甘草

四兩

黃芩

人參

乾薑

各三兩

黃連

一兩

大

棗

十二枚

半夏

半升

右七味水一斗煮取六升去滓再煎温服一升日三服

苦參湯

金匱

苦參一升水一斗煎取七升去渣薰洗日三

雄黃 金匱

雄黃一味為末筒瓦二枚合之燒向肛薰之

赤小豆當歸散

金匱

病者脉數無熱微煩默默但欲卧汗出初得之三四日目赤如鳩眼七八日目四眦黑若能食者膿已成也此湯主之

赤小豆

三升浸令芽出曝乾

當歸

右二味杵為散漿水服方寸七日三服

療心痛欲死

外臺

濃搗地黃汁和麪作冷淘不用鹽服一頓虫即出

蕪荑散

治虫咬心痛欲驗之大痛不可忍或吐青黃

綠水涎沫或吐虫發有休止

蕪荑

雷丸

各半
兩 乾漆 碎研炒烟
盡一兩

右共爲末每服三錢調和服

諸痛

頭心胃
腰腹

靈素

靈終始篇病痛者陰也痛而以手按之不得者陰也

素舉痛論視其五色黃赤爲熱白爲寒青黑爲痛 調經

論寶者外堅充滿不可按之按之則痛虛者聶辟氣不足

按之則氣足以溫之故快然而不痛。陰陽應象大論氣傷痛形氣腫故先痛而後腫者氣傷形也先腫而後痛者形傷氣也。痺論痛者寒氣多也有寒故痛也。

頭痛

靈素

靈經脉篇足太陽膀胱脉動則病衝頭痛目似脫項如拔脊痛腰似折髀不可以曲膈如結踣如裂是爲踝厥。督脉之别名曰長強挾脊上項散頭上下當肩胛左右別走太陽入貫膂實則脊強虛則頭重。足少陽胆脉是主骨

所生病者頭痛領痛 厥病篇真頭痛頭痛甚腦盡痛手足寒至節死不治

素奇病論帝曰人有病頭痛以數歲不已此安得之名爲何病岐伯曰當有所犯大寒內至骨髓髓者以腦爲主腦逆故令頭痛齒亦痛病名曰厥逆

病源

鬲痰風厥頭痛 風痰相結上衝於頭卽令頭痛數歲不已卽連腦痛手足寒至節卽死

真頭痛亦必有痰

卒頭痛頭痛如破非中冷又非中風是胸膈中痰厥氣上衝名爲厥頭痛吐之卽差。

厥頭痛方

頭痛方 千金翼

葶藶子搗末以湯淋取汁洗頭良

又方 千金翼

吳茱萸 三升 以水五升煮取三升以綿拭髮根良

厥頭痛吐方 外臺 治痰厥頭痛

但单煮茗作飲二三升許須臾適吐吐畢又飲能如是

數過劇者須吐胆汁乃止不損人

石膏散

寶鑑

川芎

石膏

白芷

各等分

右為末每服四錢熱茶清調下

此治風火頭痛之方

透頂散

本事方

治偏正頭風夾腦風并一切頭風不問遠年

近日

細辛

三莖

瓜蒂

七分

丁香

三粒

糯米

七粒

腦子

麝

香

各一黑豆大

右將腦麝研細將前四味另研細然後合研令勻封好

患人在左右搐一大豆許良久出涎一升許則安

痛風餅子

聖惠

五倍子

全蝎

土狗

各八分

右爲末醋丸作如錢大餅子發時再用醋潤透頂太陽穴上炙熱貼之仍用帕子縛之吸濃茶睡覺自愈

止痛太陽丹

奇效

天南星

川芎

等分

右爲末同蓮鬚葱白搗爛作餅貼太陽痛處

氣攻頭痛方

奇效

草麻子

乳香 等分

右搗爛作餅貼太陽穴上如痛止急去頂上解開頭髮

出氣卽去藥

治頭痛方

奇效

用大蒜一顆去皮研取汁令病人仰卧以銅筋點少許

滴鼻中急令搐入腦眼中淚出差

玉液湯

濟生

治眉稜骨痛

半夏六錢泡湯七次切片作一服加生薑十片水煎去

渣納沉香末少許服

麝犀湯 濟生 治暗風頭旋眼黑昏眩倦怠痰涎壅盛骨節

疼痛

羚羊角屑

旋覆花

紫苑

石膏

甘草

炙各一兩 細辛 半兩

前胡 七錢半

犀角屑 二錢半

右藥每服三錢加生薑三片大棗一枚水煎服

秘方貼頭風熱病

大黃

朴硝

等分

右為末用井底泥捏作餅貼兩太陽穴

頭風皆屬寒此獨為熱不可不

脩

清震湯 保命

治頭面疙瘡增寒拘急發熱狀如傷寒 即雷頭風

升麻

蒼朮 各四錢

荷葉 全者一個

水煎食後服 楊梅毒入頭亦有此

病當用治毒之方治之

治頭內如虫蛙響

此名天白蟻

用茶子末吹鼻中

此奇病不可不知

玉真圓 本事方 治腎氣不足氣逆上行頭痛不可忍謂之腎

厥其脉舉之則弦按之則石堅

硫黃 二兩

石膏 煨通赤研

半夏 柴湯洗各一兩

硝石 一錢五分

右為細末研勻生薑汁糊丸如梧子大陰乾每服二十

丸或薑湯或米飲下更炙關元穴百壯

茶調散 局方

治諸風上攻頭目昏重偏正頭疼鼻塞身重

及婦人血風攻疰太陽穴疼

白芷

甘草

羌活

各二兩

荆芥

去梗

川芎

各四兩

細

辛

去蘆

防風

一兩半

薄荷

葉不見火八兩

右為細末每服二錢食後茶清調下常服清頭目

頭風摩散

方見風門

頭風有偏正之殊其病皆在少陽陽明之絡以毫針刺痛處數穴立效其外有瘡毒入頭名楊梅頭痛此乃外

科之症另有治法

心胃痛

靈樞

厥病篇厥心痛與背相控善瘕如從後觸其心僂倭者腎
心痛也厥心痛痛如以錐鍼刺其心心痛甚者脾心痛也
厥心痛色蒼蒼如死狀終日不得太息肝心痛也厥心痛
卧若徒居心痛間動作痛益甚色不變肺心痛也真心痛
手足清至節心痛甚旦發夕死夕發旦死

千金

胸痺令人心中心中堅痞急痛肌中苦痺絞痛如刺不能俯仰

胸○前○皮○皆○痛○手○不○得○犯○短○氣○咳○唾○引○痛○咽○塞○痒○燥○時○欲○嘔
吐○煩○悶○自○汗○出○或○引○背○痛○不○治○數○日○死

外臺

九種心痛 一虫 二注 三氣 四悸 五食 六飲

七冷 八熱 九去來痛

惡注心痛 中惡心痛心腹絞刺奄奄欲絕

近人患心胃痛者甚多十人之中必有二三皆係痰飲
留於心下久成飲囊發作輕重踈數雖各不同而病因
一轍治法以滌飲降氣為主凡病竟有時代之不同如
近三十年中咳嗽吐血者十人而五余少時此病絕少
亦不可解也

心胃痛方

栝婁薤白白酒湯 金匱 胸痺之病喘息欬唾胸背痛短氣

寸口脉沉而遲關上小緊數此湯主之

栝婁 一枚 薤白 半斤 白酒 七升

右三味同煮取三升分温再服

栝婁薤半夏湯 金匱 胸痺不得卧心痛徹背者此湯主之

即前方加半夏半升

枳實薤桂枝湯 金匱 胸痺心中痞氣氣結在胸胸滿脇下

逆搶心此湯主之人參湯亦主之

枳實 四枚 厚朴 四兩 薤白 半斤 桂枝 一兩 栝婁 一枚

右五味以水五升先煮枳實厚朴取二升去渣內諸藥

煮數沸分温三服

人參湯 金匱即理中湯

茯苓杏仁甘草湯 金匱 胸痺胸中氣塞短氣此湯主之橘

枳薑湯亦主之

茯苓 三兩 杏仁 五十枚 甘草 一兩

右三味以水一斗煮取五升温服一升日三不差更服

橘皮枳實生薑湯 金匱

橘皮 一升
枳實 三兩
生薑 半斤

右三味以水五升煮取二升分温再服

薏苡仁附子散 金匱 胸痺緩急者此主之

薏苡仁 十五兩 大附子 十枚

右二味杵爲散服方寸七日三服

桂枝生薑枳實湯 金匱 心中痞諸逆心懸痛此湯主之

桂枝 生薑 各三兩 枳實 五枚

右三味以水六升煮取三升分温三服

赤石脂丸 金匱 心痛徹背背痛徹心此主之

蜀椒 一兩 烏頭 一分 附子 半兩 乾薑 一兩 赤脂 一兩

右五味末之蜜丸如梧子大先食服一九日三服不知

再加 此治大寒之症

九痛丸 金匱 治九種心疼

附子 三兩 狼牙 一兩 巴豆 一兩 人參 乾薑

茱萸 各一兩

右六味末之煉蜜丸如梧子大酒下強人初服三九日

三服弱者二丸 兼治卒中惡腹脹痛口不能言又治

連年積冷流注心胸痛并冷氣上衝落馬墜車血疾等

蜀臺執範 諸痛 卷六 三

皆主之忌口如常法

大建中湯 金匱 心胸中大寒痛嘔不能飲食腹中寒上衝

皮起出見有頭足上下痛不可觸近此主之

蜀椒 二合 去汗 乾薑 四兩 人參 二兩

以水四升煮取二升去渣內膠飴一升微火煎取一升
半分温再服如一炊頃可飲粥二升後更服當一日食

糜温覆之

療胸痺心痛方 千金

灸臚中百壯穴在鳩尾上一寸 此灸神效百壯灸瘡愈再灸非一日滿百壯也

熨背法 千金翼

治胸痺心背疼痛氣悶

烏頭

細辛

附子

羌活

蜀椒

桂

心 各一兩

川芎

一兩三錢半

右共為散以少醋拌綿裹微火炙令煖以熨背上

療心痛方

外臺

生油半合温服

瘥 此乃治虫痛之方

海蛤丸 丹溪

治痰飲心痛

海蛤

燒灰為末過數日火毒散用

瓜萸仁

研

右以海蛤入瓜萸內乾濕得所為丸每服五十九

失笑散

經驗

治婦人心痛氣刺不可忍

五靈脂

蒲黃

等分

每用二錢醋熬膏入水煎服

此方治瘀血犯心

鶴蝨散

外臺

胡粉丸

外臺

療心痛如虫啗方

外臺

蕪荑散

以上四方俱見 平胃散

見通

半夏瀉心湯

見膈吐

腰痛

靈樞

經脉篇肝足厥陰也是動則病腰痛不可以俯仰

終始

篇刺諸痛者其脉皆實從腰以上者手太陰陽明皆主之

從腰以下者足太陰陽明皆主之病在腰者取之膕

病源

腎主腰脚腎經虛損風冷乘之故腰痛也又邪客於足少陰之絡令人腰痛引小腹不可以仰息診其尺脉沉主腰背痛尺寸俱浮直下此爲督脉腰强痛

風濕腰痛 勞傷腎氣經絡既虛或因卧濕當風風寒乘虛搏於腎腎經與血氣相擊而腰痛

腎着腰痛 腎主腰脚腎經虛則受風冷內有積水風水相搏浸積于腎腎氣內着不能宣通故令腰痛其痛狀身

重腰冷腹重如帶五千錢如坐于水形狀如水不渴小便自利飲食如故久久變為水病腎濕故也

背倭 肝主筋而藏血血為陰氣為陽陽氣精則養神柔則養筋陰陽和同則血氣調適共相榮養也邪不能傷若虛則受風風寒搏于脊脊之筋冷則攣急故令背倭

脇痛 邪氣客于足少陽之絡令人脇痛欬汗出陰氣擊于肝寒氣客于脉中則血泣脉急引脇與小腹診其脉弦而急脇下如刀刺狀如飛尸至困不死脇痛屬足少陽不屬足厥陰

腰痛方

甘薑苓朮湯

金匱

腎着之病其人身體重腰中冷如坐水

中形如水狀反不渴小便自利飲食如故病屬下焦身

勞汗出衣裏冷濕久久得之腰以下冷痛腹重如帶五

千錢

甘草

白朮

各二兩

乾薑

茯苓

各四兩

右四味以水五升煮取三升分温三服腰中即温

青娥丸

局方

治腎虛為風冷所乘或處濕地或墜墮傷損

或因風寒皆令腰間似有物垂墜也悉主之

胡桃

二十個去殼皮

破故紙

酒炒六兩

蒜

四兩熬膏

杜仲

薑汁炒十六兩

右共為末丸如桐子大温酒下婦人淡醋湯下三十丸

加味小柴胡湯 良方 治傷寒脇痛

柴胡 二錢 半夏 一錢半 黃芩 二錢 人參 一錢五分 牡蠣粉 一錢

枳殼 一錢 甘草 一錢

右作一服薑五片紅棗二枚煎服

摩腰膏 丹溪 治老人腰痛婦人白帶

附子共 烏頭共 南星 各二錢半 硃砂 雄黃

樟腦 丁香 各一錢半 乾薑 一錢 麝香 大者五粒

右共為末蜜丸龍眼大每一丸用生薑汁化開如厚粥

火上烘熱放掌上摩腰中候藥盡貼腰上卽烘綿衣縛

定腰熱如火間二日用一丸

此法近有人專用此治形體之病凡虛人老人頗有

效驗其術甚行

又此方加入倭硫黃人參鹿茸沉香

水安息等大補之品摩虛損及老人更妙又一法以

蘇油黃蠟爲丸如胡桃大烘熱摩腰上俟腰上熱

然後紮好一丸可用數十次腹中病亦可摩

療腰痛方 良方

杜仲 肉蓯蓉

破故紙

人參

當歸

秋石

川巴戟

鹿角霜

各等分

右後末用猪腰子一個洗淨淡鹽湯泡過劈開兩邊中

間勿斷細花開用前藥滲入另用稀絹一塊包裹綿紮

外用小灌入酒少許紙封母令走泄藥氣煮熟取食之
飲醇酒三杯立愈

又方 奇效

胡桃肉

補骨脂

杜仲

各四兩

右作二貼每貼用水二盞煎服

麋茸丸

本事

治腎虛腰痛

麋茸

一兩鹿角亦可

兔絲子末

一兩

舶上茴香

半兩

右為末用羊腎一對酒煮爛去膜研和丸桐子大如羊
腎少入酒糊佐之每服三五丸温酒或鹽湯下

藥碁子

本事方

治腰腿痛氣滯

牽牛不拘多少用新瓦入火煨得通紅便將牽牛頓在瓦上自然半生半熟不得撥動取末一兩入細研硫黃一錢同研勻分三分每用白麩一匙水和捍開切作碁子大五更初以水一盞煮熱連湯溫送下如住即已未住隔日再作予嘗有此疾每發止一服痛止

二神丸

本事方

左金丸

俱見通治

按腰痛屬虛者固多而因風寒痰濕氣阻血凝者亦不少一概蠻補必成痼疾不可不審

腹痛

金匱

跌陽脉微弦法當腹滿不滿者必便難兩胫疼痛此虛寒
從下上也當以溫藥服之 病者腹滿按之不痛爲虛痛
者爲實可下之舌黃者下之黃自去 腹滿時減復如故
此爲寒當與溫藥 夫中寒家喜欠其人清涕出發熱色
和者善噓 中寒其人下痢以裏虛也欲噓不能此人肚
中寒 夫瘦人繞臍痛必有風冷穀氣不行而反下之其
氣必衝不衝者心下則痞

傷寒論

病人不大便五六日繞臍痛煩躁發作有時者此有燥屎故使不大便也 太陰之爲病腹滿而吐食不下自痢益甚時腹自痛若下之必胸中結鞭 傷寒五六日腹中痛若轉氣下趣少腹者此欲自痢也

腹痛方

厚朴七物湯

金匱

病腹滿發熱十日脉浮而數飲食如故

此湯主之

厚朴

半斤

甘草

大黃

各三兩

大棗

十枚

枳實

五枚

桂

枝

二兩

生薑

五兩

右七味以水一斗煮取四升温服八合日三服嘔者加半夏五合下痢去大黃寒多者加生薑至半斤

附子粳米湯 金匱 腹中寒氣雷鳴切痛胸脇逆滿嘔吐此

湯主之

附子 一枚 半夏 半升 甘草 一兩 大棗 十枚 粳米 半升

右五味以水八升煮米熟湯成去滓温服一升日三服

蒸臍法 亦可隨病所在蒸之外科寒症亦能蒸散

丁香 木香 半夏 南星 川烏 歸

身 肉桂 麝 冰 乳香 大黃

硝 山甲 雄黃 蟾窠 白蕊

右為粗末放麪圈內上用銅皮一片多鑽細眼用艾火
炙銅皮上每日十餘火滿三百六十火病除藥味亦可
因症加減其藥用燒酒薑汁等拌濕

厚朴二物湯 金匱 痛而閉者此湯主之

厚朴 八兩 大黃 四兩 枳實 五枚

右三味以水一斗二升先煮二味取五升內大黃煮取
三升溫服一服以痢為度

大黃附子湯 金匱 脇下偏痛發熱其脈緊弦此寒也以溫

藥下之宜此湯

大黃

三兩

附子

三枚

細辛

二兩

以水五升煮取二升分温三服強人煮取二升半分温

三服服後如人行四五里進一服

黃連湯

見嘔吐

小建中湯

見虛勞

桂枝加大黃湯

大柴胡

湯

小柴胡湯

大承氣湯

桂枝加芍藥湯

理中湯

四逆湯

以上俱見傷寒

藜合丸

見通治

脚氣

附轉筋

千金

諸經方有脚氣之論古人少有此疾

脚氣之名金匱已載但患者少耳

自

永嘉南渡衣纓士人多有遭者有支法存仰道人等並留意經方偏善斯術多獲全濟又宋齊之間釋門深師述二公等諸家舊方爲二十卷其脚弱一方近百餘首魏周之代蓋無此病所以姚公集驗殊不慙懃徐王撰錄未以爲意特以三方鼎峙風教未一霜露不均寒暑不等關西河北不識此疾自聖唐開闢無外南極之地作鎮於彼往往皆遭近來中國士大夫亦有患者良由今代風氣混同所致耳此病先從脚起因卽脛腫時人號爲脚氣深師云脚

弱者卽其義也 問風毒中人隨處皆得作病何偏着於

脚答曰人有五臟心脉經絡所起在手十指餘三臟經絡

所起在足十趾地之寒暑風濕皆作蒸氣足常履之所以

風毒之中人必先中脚久而不瘥徧及四肢腹背頭項經

云次傳間傳是也凡脚氣皆感風毒所致

治脚氣必兼風此乃要訣人

多不卽覺會因他病一度始發或奄然大悶經兩三日乃

覺庸醫不識作餘病治莫不盡斃始起甚微飲食如故惟

卒起脚屈弱不能動爲異耳黃帝云緩風濕痺是也 有

脚氣未覺而頭項臂膊已有所苦諸處未知而心腹五內

已有所困或嘔食臭腹痛下痢二便不通衝悸不欲見光
精神昏憤迷忘錯亂壯熱頭痛身體酷冷疼痛轉筋頑痺
緩縱百節攣急小腹不仁等症皆脚氣狀貌也亦云風毒
脚氣之候婦人亦爾又有產後取涼多中此毒其熱悶掣
癢驚悸心煩嘔吐氣上皆其候也又但覺臍下冷痞幅幅
然不快小便淋瀝卽是其候頑弱名緩風疼痛爲濕痺

熱者治以冷藥冷者療以熱藥以意消息之

諸病皆然

心下急

氣喘不停自汗脉促嘔吐不止者死

凡脚氣皆由氣實

而死終無一人服藥致虛而殂故不得大補亦不可大瀉

凡治病大脚氣其人黑瘦者易治肥大肉厚赤白者難治
 瘦人肉硬肥人肉軟也外症亦同脚氣有腫者有不腫者其小
 腹頑痺不仁者脚多不腫小腹頑後不過三五日即令人
 嘔吐名脚氣入心如此者難治以腎水剋心火也 初得
 脚弱便速灸之服竹瀝湯灸訖服八風散無不瘥者若但
 灸不服藥但服藥不灸後必更發

脚氣當灸之穴

初灸風市 次伏兔 次犢鼻 次膝兩眼 次三里

次上廉 次下廉 次絕骨

病源

脚氣疼不仁 由風濕毒氣與血氣相搏故疼邪在膚腠則血氣澁而皮膚厚搔之如膈衣故不仁

脚氣痺攣 風毒搏於經風濕乘於血故令痺攣也

脚氣心腹脹急 風濕毒氣從脚上入於內與臟氣相搏結聚不散故心腹脹急

脚氣腫滿 由風濕毒氣搏於腎經則腎氣不能宣通水液使傳於小腸反漬於皮膚故腫滿也

脚氣驚悸 由溫濕挾風毒初客膚腠後經腑臟與神氣

相搏則心驚悸也

脚氣轉筋 靈樞四時氣篇轉筋於陽治其陽轉筋於陰

治其陰 本輸篇轉筋者立而取之可令遂已

脚氣方

礬石湯

金匱

治脚氣衝心

礬石

二兩

以漿水一斗五升煎浸脚良

第一竹瀝湯

千金

治兩脚痺弱或轉筋皮肉不仁腹脹起

如腫按之不陷心中惡不欲食或患冷方

竹瀝

五升

甘草

秦艽

葛根

黃芩

麻

黃

防已

細辛

桂心

乾薑

各一兩

防風

升麻

各一兩半

茯苓

二兩

附子

二枚

杏仁

五十枚

右十五味以水七升合竹瀝煮取三升分三服取汗

此脚

氣主方多

治風之藥

烏麻酒

千金

治風虛氣滿脚疼痺孿弱不能行

烏麻

五升

微熬搗酒漬一宿隨所能飲之盡更作

茱萸木瓜湯

治脚氣衝心悶亂不識人手足脉欲絕

吳茱萸

半兩

木瓜

一兩

枳榔

二兩

生薑

五片

水煎服

蘧子粥

養老書

治老人脚氣毒悶身體不仁行履不能

紫蘓子

五合熬研細粳米四合淨
以水投取汁

右煮作粥臨熟下蘓汁調之空心食之日一服亦温中

杉木湯

本事方

唐柳柳州云元和十二年二月得脚氣夜半

痞絕脇有塊大如石且死困塞不知人三日滎陽鄭洵

美杉木湯服半日食頃大小便三次氣通塊散

用杉木節一大升橘葉一升無葉以皮代之大腹楨榔

七個合子碎之童子小便三大升共煮一升半分二服

若一服得快痢停後服

楨榔散

活人書

治脚腫

橘葉

一大握

沙木

一握

小便

一盞

酒

半盞全以藥煎

右煎數沸調柝榔末二錢食後服

即前方變法

木瓜散

活人書

治脚氣

大腹皮

一枚

紫蘓

一分

乾木瓜

一分

甘草

一分炙

木香

一分

分羌活

一分

右細剉為散分作三服每用白水一盞煎至半盞去滓

通口服

雞屎白散

金匱

轉筋之為病其人臂脚直脉上下行微弦

轉筋入腹者

雞屎白一味爲散取方寸匕以水六合和溫服

療轉筋方

外臺

以鹽一升水一升半作湯洗漬良

延效療轉筋

外臺

并治渾身轉筋

煖水稍熱于浴斛中坐浸須臾便差如湯沃雪

轉筋灸法

外臺

轉筋在兩臂若胸脇者灸手掌白肉際七壯 在十指

者灸手踝骨上七壯 在脛骨者灸膝下廉筋上三壯

又法灸涌泉七壯亦可灸大都七壯

穴在足大母指本節內側白肉

際

腹腸轉筋者灸臍上一寸十四壯

烏頭湯

見風痺

麻豆湯

見水腫

大活絡丹

崔氏八味丸

即腎

氣丸俱見通治

